

隋書卷三十四

唐太尉揚州都督監修國史上柱國趙國公臣長孫無忌等撰

志第二十九

經籍三子

鬻子一卷

周文王師鬻熊撰

老子道德經二卷

周柱下史李耳撰漢文帝時河

上公注梁有戰國時河上丈人注老子經二卷漢長陵

三老母丘望之注老子二卷漢隱士嚴遵注老子二卷

虞翻注老子二卷 老子道德經二卷 王弼注梁有老子道德經

二卷蜀 老子道德經二卷 鍾會注梁有老子道德經二

才注七 老子道德經二卷 卷晉太傅羊祜解釋老子經

二卷東晉江州刺史王尚述注老子二卷常氏傳老子二卷

集解老子二卷邯鄲氏注老子二卷 老子道德經二卷 晉尚書郎

孟氏注老子二卷 老子道德經二卷 孫登注 老

卷盈氏注亡 老子道德經二卷 劉仲融注梁有老子道德經二卷晉西中郎將袁真

注老子道德經二卷張憑注老子道德經二卷釋惠琳

注老子道德經二卷釋惠嚴注老子道德經二卷王玄

載注 老子道德經二卷 盧景 老子音一卷 李軌撰梁有

七 老子道德經二卷 裕撰 老子音一卷 老子音一卷

晉散騎常侍 老子四卷 梁曠 老子指歸十一卷 嚴遵

戴逵撰亡 老子四卷 撰 老子指歸十一卷 注 老

子指趣三卷 母丘望 老子義綱一卷 顧歡撰梁有老子

撰老子序次一卷葛儒公撰老子雜論一卷何王等注

老子私記十卷梁簡文帝撰老子玄示一卷韓壯撰老

子玄譜一卷晉柴桑令劉遺民撰老子玄機三卷 老子

宗塞撰老子幽易五卷又老子志一卷山琮撰亡 老子

義疏一卷 顧歡撰梁有老子義 老子義疏五卷 孟智周

疏一卷釋慧觀撰亡 老子義疏四卷 韋處 老子講疏六卷 梁武

立撰 老子節解二卷 ○ 老子章門一卷 ○ 文子十二

卷 戴詵 老子節解二卷 ○ 老子章門一卷 ○ 文子十二

卷 文子老子弟子七畧有 鶡冠子三卷 楚之 列子八卷

九篇梁七錄十卷亡 鶡冠子三卷 隱人 列子八卷

鄭之隱人列禦寇撰 莊子二十卷 梁漆園吏莊周撰晉

東晉光祿勳張湛注 莊子二十卷 散騎常侍向秀注本

二十卷今闕 梁有莊子十卷 莊子十六卷 司馬彪注本二

卷東晉議郎崔譔注亡 莊子十六卷 十一卷今闕

乾隆四年校刊

隋書卷三十四

經籍志

三二

莊子三十卷目一卷 晉太傅主簿郭象注 集注莊子六

卷 梁有莊子三十卷晉丞相參軍李頤注莊子十八卷孟氏注錄一卷亡 莊子音一卷 李

撰莊子音三卷 徐邈撰 莊子集音三卷 徐邈撰 莊子註音一

卷 司馬彪等撰 莊子音三卷 郭象注梁有向秀莊子音一卷 莊子外篇雜音

一卷 ○莊子內篇音義一卷 ○莊子講疏十卷 梁簡文帝撰本

二十卷 今闕 莊子講疏二卷 張機撰 莊子講疏八卷 ○莊子文

句義二十八卷 本三十卷今闕梁有莊子義疏十卷又莊子義疏三卷宋處士李叔之撰亡

莊子內篇講疏八卷 周弘正撰 莊子義疏八卷 戴詵撰 南華論

二十五卷 梁曠撰本 南華論音三卷 ○莊成子十二卷

梁有蹇子一卷今亡 玄言新記明莊部二卷 梁澡撰 守白論一卷 ○

乾隆四年校刊 隋書卷三十四 經籍志 四

任子道論十卷 魏河東太守任嘏撰梁有渾輿經一卷魏安成令桓威撰亡 唐子十

卷 吳唐滂撰梁有蘇子七卷晉北中郎參軍蘇彥撰杜宣子二卷晉宜城令宣聘撰陸子十卷陸雲撰亡 杜

氏幽求新書二十卷 杜夷撰 抱朴子內篇二十一卷音一

卷 葛洪撰梁有顧道士新書論經三卷晉方士顧谷撰亡 孫子十二卷 孫綽撰 符子

二十卷 東晉員外郎符朗撰梁有賀子述言十卷宋太學博士賀道養撰少子五卷齊司徒左長史張

融撰梁有養生論三卷嵇康撰攝生論二卷晉河內太守阮侃撰無宗論四卷聖人無情論六卷亡 夷夏

論一卷 顧歡撰梁二卷梁又有談衆三卷亡 簡文談疏六卷 晉簡文帝撰 無名

子一卷 張太衡撰 玄子五卷 ○遊玄桂林二十一卷目一卷

張機撰 廣成子十三卷 商洛公撰張太衡注疑近人作

右七十八部合五百二十五卷

道者蓋爲萬物之奧聖人之至蹟也易曰一陰一陽之謂道又曰仁者見之謂之仁智者見之謂之智百姓日用而不知夫陰陽者天地之謂也天地變化萬物蠢生則有經營之迹至於道者精微淳粹而莫知其體處陰與陰爲一在陽與陽不二仁者資道以成仁道非仁之謂也智者資道以爲智道非智之謂也百姓資道而日用而不知其用也聖人體道成性清虛自守爲而不恃長而不宰故能不勞聰明而人自化不假修營而功自成其玄德深遠言象不測先王懼人之惑置于方外六經之義是所罕言周官九兩其三曰師蓋近之矣然自

乾隆四年校刊

隋書卷三十四

經籍志

五

黃帝以下聖哲之士所言道者傳之其人世無師說漢時曹參始薦蓋公能言黃老文帝宗之自是相傳道學衆矣下士爲之不推其本苟以異俗爲高狂狷爲尚迂誕譎怪而失其真

隋書卷三十五

唐太尉揚州都督監修國史上柱國趙國公臣長孫無忌等撰

志第三十

經籍四集 道經 佛經

經戒三百一部九百八卷○餌服四十六部一百六十七卷○房中十三部三十八卷○符錄十七部一百三卷

右三百七十七部一千二百一十六卷

道經者云有元始天尊生於太元之先稟自然之氣冲虛凝遠莫知其極所以說天地淪壞劫數終盡略與佛經同以爲天尊之體常存不滅每至天地初開或在玉

京之上或在窮桑之野授以祕道謂之開劫度人然其開劫非一度矣故有延康赤明龍漢開皇是其年號其間相去經四十一億萬載所度皆諸天仙上品有太上老君太上丈人天真皇人五方天帝及諸仙官轉共承受世人莫之豫也所說之經亦稟元一之氣自然而有非所造爲亦與天尊常在不滅天地不壞則蘊而莫傳劫運若開其文自見凡八字盡道體之奧謂之天書字方一丈八角垂芒光輝照耀驚心眩目雖諸天仙不能省視天尊之開劫也乃命天真皇人改囀天音而辯析之自天真以下至于諸仙展轉節級以次相授諸仙得

乾隆四年校刊

隋書卷三十五 經籍志

三八

之始授世人然以天尊經歷年載始一開劫受法之人得而寶祕亦有年限方始傳授上品則年久下品則年近故今授道者經四十九年始得授人推其大旨蓋亦歸於仁愛清靜積而修習漸致長生自然神化或白日登仙與道合體其受道之法初受五千文籙次授三洞籙次受洞玄籙次受上清籙籙皆素書紀諸天曹官屬佐吏之名有多少又有諸符錯在其間文章詭怪世所不識受者必先潔齋然後齋金環一幷諸贄幣以見於師師受其贄以籙授之仍剖金環各持其半云以爲約弟子得籙緘而佩之其潔齋之法有黃籙玉籙金籙塗

炭等齋爲壇三成每成皆置縣籬以爲限域傍各開門皆有法象齋者亦有人數之限以次入于縣籬之中魚貫面縛陳說愆咎告白神祇晝夜不息或一二七日而止其齋數之外有人者並在縣籬之外謂之齋客但拜謝而已不面縛焉而又有諸消災度厄之法依陰陽五行數術推人年命書之如章表之儀并具贄幣燒香陳讀云奏上天曹請爲除厄謂之上章夜中於星辰之下陳設酒脯麩餌幣物歷祀天皇太一祀五星列宿爲書如上章之儀以奏之名之爲醮又以木爲印刻星辰日月於其上吸氣執之以印疾病多有愈者又能登刃入

乾隆四年校刊

隋書卷三十五

經籍志

三九

火而焚勅之使刃不能割火不能熱而又有諸服餌辟穀金丹玉漿雲英蠲除滓穢之法不可殫記云自上古黃帝帝嚳夏禹之儔並遇神人咸受道錄年代旣遠經史無聞焉推尋事迹漢時諸子道書之流有三十七家大旨皆去健羨處冲虛而已無上天官符籙之事其黃帝四篇老子二篇最得深旨故言陶弘景者隱於句容好陰陽五行風角星算修辟穀導引之法受道經符籙武帝素與之遊及禪代之際弘景取圖讖之文合成景梁字以獻之由是恩遇甚厚又撰登真隱訣以證古有神仙之事又言神丹可成服之則能長生與天地永畢

帝令弘景試合神丹竟不能就乃言中原隔絕藥物不精故也帝以爲然敬之尤甚然武帝弱年好事先受道法及卽位猶自上章朝士受道者衆三吳及邊海之際信之踰甚陳武世居吳興故亦奉焉後魏之世嵩山道士寇謙之自云嘗遇真人成公興後遇太上老君授謙之爲天師而又賜之雲中音誦科誡二十卷又使玉女授其服氣導引之法遂得辟穀氣盛體輕顏色鮮麗弟子十餘人皆得其術其後又遇神人李譜云是老君玄孫授其圖籙真經劾召百神六十餘卷及銷鍊金丹雲英八石玉漿之法太武始光之初奉其書而獻之帝使

乾隆四年校刊

隋書卷三十五 經籍志

三

謁者奉玉帛牲牢祀嵩岳迎致其餘弟子於代都東南起壇宇給道士百二十餘人顯揚其法宣布天下太武親備法駕而受符籙焉自是道業大行每帝卽位必受符籙以爲故事刻天尊及諸仙之象而供養焉遷洛已後置道場於南郊之傍方二百步正月十月之十五日並有道士哥人百六人拜而祠焉後齊武帝遷鄴遂罷之文襄之世更置館宇選其精至者使居焉後周承魏崇奉道法每帝受籙如魏之舊尋與佛法俱滅開皇初又興高祖雅信佛法於道士蔑如也大業中道士以術進者甚衆其所以講經由以老子爲本次講莊子及靈

寶昇玄之屬其所衆經或言傳之神人篇卷非一自云
天尊姓樂名靜信例皆淺俗故世甚疑之其術業優者
行諸符禁往往神驗而金丹玉液長生之事歷代糜費
不可勝紀竟無效焉今考其經目之數附之於此

隋書卷三十五·志第三十·經籍四.道經

經戒三百一部，九百八卷。○餌服四十六部，一百六十七卷。○房中十三部，三十八卷。○符錄十七部，一百三卷。

右三百七十七部，一千二百一十六卷。

道經者，云有元始天尊，生於太元之先，稟自然之氣，沖虛凝遠，莫知其極。所以說，天地淪壞，劫數終盡，略與佛經同。以爲天尊之體，常存不滅。每至天地初開，或在玉京之上，或在窮桑之野，授以祕道，謂之開劫度人。然其開劫，非一度矣，故有延康、赤明、龍漢、開皇，是其年號。其間相去，經四十一億萬載。所度皆諸天仙上品，有太上老君、太上丈人、天真皇人、五方天帝，及諸仙官，轉共承受，世人莫之豫也。所說之經，亦稟元一之氣，自然而有，非所造爲，亦與天尊常在不滅，天地不壞，則蘊而莫傳，劫運若開，其文自見。凡八字，盡道體之奧，謂之天書。字方一丈，八角垂芒，光輝照耀，驚心眩目，雖諸天仙，不能省視。天尊之開劫也，乃命天真皇人，改囀天音而辯析之。自天真以下，至於諸仙，展轉節級，以次相授。諸仙得之，始授世人。然以天尊經歷年載，始一開劫，受法之人，得而寶祕，亦有年限，方始傳授。上品則年久，下品則年近。故今授道者，經四十九年，始得授人。推其大旨，蓋亦歸於仁愛清靜，積而修習，漸致長生，自然神化，或白日登仙，與道合體。

其受道之法，初受《五千文籙》，次受《三洞籙》，次受《洞玄籙》，次受《上清籙》。籙皆素書，紀諸天曹官屬佐吏之名有多少，又有諸符，錯在其間，文章詭怪，世所不識。受者必先潔齋，然後齋金環一，并諸贄幣，以見於師。師受其贄，以籙授之，仍剖金環，各持其半，云以爲約。弟子得籙，緘而佩之。

其潔齋之法，有黃籙、玉籙、金籙、塗炭等齋。爲壇三成，每成皆置縣蕝，以爲限域。傍各開門，皆有法象。齋者亦有人數之限，以次入於縣蕝之中，魚貫面縛，陳說愆咎，告白神祇，晝夜不息，或一二七日而止。其齋數之外有人者，並在縣蕝之外，謂之齋客，但拜謝而已，不面縛焉。而又有諸消災度厄之法，依陰陽五行數術，推人年命書之，如章表之儀，并具贄幣，燒香陳讀。云奏上天曹，請爲除厄，謂之上章。夜中於星辰之下，陳設酒脯餅餌幣物，歷祀天皇太一，祀五星列宿，爲書如上章之儀以奏之，名之爲醮。又以木爲印，刻星辰日月於其上，吸氣執之，以印疾病，多有愈者。又能登刃入火而焚敕之，使刃不能割，火不能熱。而又有諸服餌、辟穀、金丹、玉漿、雲英，蠲除滓穢之法，不可殫記。

云自上古黃帝、帝嚳、夏禹之儔，並遇神人，咸受道籙，年代既遠，經史無聞焉。推尋事迹，漢時諸子道書之流，有三十七家，大旨皆去健羨，處沖虛而已，無上天官符籙之事。其《黃帝》四篇，《老子》二篇，最得深旨。

故言陶弘景者，隱於句容，好陰陽五行，風角星算，修辟穀導引之法，受道經符籙，武帝素與之遊。及禪代之際，弘景取圖讖之文，合成「景梁」字以獻之，由是恩遇甚厚。又撰《登真隱訣》，以證古有神仙之事；又言神丹可成，服之則能長生，與天地永畢。帝令弘景試合神丹，竟不能就，乃言中原隔絕，藥物不精故也。帝以爲然，敬之尤甚。然武帝弱年好事，先受道法，及即位，猶自上章，朝士受道者眾。三吳及邊海之際，信之踰甚。陳武世居吳興，故亦奉焉。

後魏之世，嵩山道士寇謙之，自云嘗遇真人成公興，後遇太上老君，授謙之爲天師，而又賜之《雲中音誦科誡》二十卷。又使玉女授其服氣導引之法，遂得辟穀，氣盛體輕，顏色鮮麗。弟子十餘人，皆得其術。其後又遇神人李譜，云是老君玄孫，授其圖籙真經，劾召百神，六十餘卷，及銷煉金丹雲英八石玉漿之法。太武始光之初，奉其書而獻之。帝使謁者，奉玉帛牲牢，祀嵩岳，迎致其餘弟子，於代都東南起壇宇，給道士百二十餘人，顯揚其法，宣布天下。太武親備法駕而受符籙焉。自是道業大行，每帝即位，必受符籙，以爲故事，刻天尊及諸仙之象而供養焉。遷洛已後，置道場於南郊之傍，方二百步。正月十月之十五日，並有道士哥人百六人，拜而祠焉。後齊武帝遷鄴，遂罷之。文襄之世，更置館宇，選其精至者使居焉。後周承魏，崇奉道法，每帝受籙，如魏之舊，尋與佛法俱滅，開皇初又興。高祖雅信佛法，於道士蔑如也。

大業中，道士以術進者甚眾。其所以講經，由以《老子》爲本，次講《莊子》及《靈寶》《昇玄》之屬。其餘眾經，或言傳之神人，篇卷非一。自云天尊姓樂名靜信，例皆淺俗，故世甚疑之。其術業優者，行諸符禁，往往神驗。而金丹玉液長生之事，歷代糜費，不可勝紀，竟無效焉。今考其經目之數，附之於此。